

وصية لإحسان استقبال العشر الأواخر من رمضان | الشيخ عمرو الشرقاوي

عمرو شرقاوي

بسم الله الرحمن الرحيم. أجمعين. اللهم صلي على محمد وعلى آل محمد كما صليت على آل إبراهيم انك حميد مجيد اللهم بارك على محمد وعلى آل محمد كما باركت على آل إبراهيم انك حميد مجيد - 00:00:00
فإن الله سبحانه وتعالى آآ قد آآ من علينا آآ يعني وتفضل علينا سبحانه وبحمده وشهادنا هذا الشهر الكريم وشهادنا شهر رمضان دى نعمة. لابد على الإنسان ان يشكر الله عز وجل عليه - 00:00:18

لابد ان يشكر الانسان رب العالمين سبحانه وتعالى على هذه النعمة وكما قال الله عز وجل ان شكرتم واذ تاذن ربكم لئن شكرتم لازيدنكم ولئن كفرتم ان عذابي لشديد فلابد ان الانسان يشكر نعمة الله عز وجل عليه بشهود هذا الشهر - 00:00:35
الانسان لا يشكر نعمة الله عز وجل عليه التي اسدتها اليه اي نعمة. ربنا سبحانه وتعالى اسدتها للانسان فان الانسان لا يستطيع ان ان يشكر نعمة الله تعالى الا ان صرف هذه النعمة في فيما يرضي الله عز وجل - 00:00:54

يعني ربنا سبحانه وتعالى محمود وربنا سبحانه وتعالى مشكور فشكراً لله تعالى لا يتعلق بالقلب فقط ولا يتعلق باللسان فقط. وإنما لابد ان يكون هناك فعل. الشكر لابد ان يكون هناك فعل - 00:01:12
بخلاف الحمد. الحمد ممكن يكون باللسان وممكن يكون بالقلب. لكن الشكر لا يكون باللسان والقلب فقط وإنما لابد ان يكون مع اللسان والقلب شكر الله عز وجل بالعمل لما ربنا سبحانه وتعالى ينعم عليك بنعمة شكر الله عز وجل يقتضي منك انك انت تصرف هذه النعمة في طاعة الله - 00:01:27

وتزداد من هذه النعمة. لو كانت هذه النعمة نعمة دينية فانت تزداد من هذه النعمة ولذلك النبي صلى الله عليه وسلم صلوات الله وسلامه عليه كان يفعل ذلك في شهر رمضان. لو انت تلاحظ ان شهر رمضان النبي عليه الصلاة والسلام - 00:01:50
كان بيصعد في شهر رمضان يعني النبي عليه الصلاة والسلام كان من من شكره صلى الله عليه وسلم لله عز وجل كان اخر شهر رمضان هو ذروة عبادة النبي صلى الله - 00:02:07

الله عليه وسلم. وهذا من تمام شكره لله تعالى من تمام شكر النبي عليه الصلاة والسلام وهو العبد الشكور. صلوات الله وسلامه عليه كما قال النبي عليه الصلاة والسلام. افلا اكون عبدا؟ افلا اكون عبدا شكورا - 00:02:19

من تمام شكر النبي عليه الصلاة والسلام. واحنا لازم نتعلم هذا من رسول الله صلى الله عليه وسلم من تمام شكر النبي عليه الصلاة والسلام لله عز وجل. ان وفقه وتفضل عليه وعلى هذه الامة بشهر رمضان ان شهر رمضان - 00:02:33

في اخر شهر رمضان بالنسبة للنبي عليه الصلاة والسلام هي قمة العبادة هي ذروة العبادة للنبي صلى الله عليه وسلم. ولذلك السيدة عائشة رضي الله تعالى عنها وارضاها تشبه حال النبي عليه الصلاة والسلام مع العشر الاواخر من رمضان كأنه - 00:02:49
كأنه يعني حالة حرب كأنه حالة تجهيز تقول السيدة عائشة رضي الله تعالى عنها وارضاها كان النبي عليه الصلاة والسلام يشد مئزره ويحيي ليه ويعتزل نسائه صلوات الله وسلامه عليه كان في امور - 00:03:04

لتحدث جديدة امور جديدة في اخر شهر رمضان كان النبي عليه الصلاة والسلام يفعلها لماذا لشكراً لله سبحانه وتعالى فرصة ان الانسان في اخر شهر رمضان وبخاصة الانسان اللي قام يعني في التراويف اللي ربنا سبحانه وتعالى وفقه مسلا انه يصلى التراويف في

شهر رمضان. اللي ربنا سبحانه وتعالى وفقه انه يفتح المصحف في شهر رمضان. فرصة ان في اخر شهر رمضان تستثمر الحسنات اللي انت حصلت عليها ديت الحسنات التي تأتي على الانسان قلب الانسان - 00:03:38

قلب الانسان بيحصل له نوع من انواع الجهوزية قلب الانسان بيحصل له نوع من انواع الجهوزية. عارفة انت لما واحد مسلا يكون داخل عملية كبيرة مسلا القلب اكبر عملية قلب اصلاح قلب الانسان دي اكبر شيء يسعى الانسان له في الدنيا - 00:03:52
فلو الانسان دخل عملية كبيرة بيقدعوا يجهزوه قبلها بفترة. شهر رمضان بالذبيط كانه بيجهزك انك انت تدرك ليلة القدر انت بتبدأ من اول شهر رمضان تتجهزلكي تدرك ليلة القدر. علشان قلبك في اخر شهر رمضان مش بيكون ابدا زي اول شهر رمضان. ففرصة -

00:04:08

انك انت تستثمر الحسنات المكتسبات اللي انت حصلت عليها في اول الشهر المكتسبات اللي انت حصلت عليها في اول الشهر فرصة انك انت تجنيها في اخر شهر رمضان وفرصة برضك ان ربنا سبحانه وتعالى ممكن يفتح عليك فتح - 00:04:27
وربنا سبحانه وتعالى ممكن يغفر لك مغفرة في اخر شهر رمضان لا تدركها او لم تدركها في اول شهر رمضان لذلك هي فرصة للاتنين. فرصة للي ما حصلش وفرصة للي حصل - 00:04:44

فرصة للي حصل انه يستثمر هذا الذي حصله عارفين انتم زي واحد مسلا فضل آآ فضل مسلا عاوز يطلب شيئاً معيناً فضل يسعى وراء هذا الشيء سنين طويلة لحد ما مش باقي له خلاص الا خطوة يقول لك انا زهقت خلاص - 00:04:57
زهقت. يا ابني لسة خطوة واحدة. يقول لك خلاص واحد مسلا متفوق جداً مسلا في السانوية مسلا ول يكن يجي اخر شهر يقول لك خلاص انا زهقت مش قعدت امسك. يا ابني ما عدش الا شهر. او يجي في الامتحان يقول لك خلاص انا مش داخل الامتحان -

00:05:18

يا ابني ما عدش ده انت هتخشن انت شاطر. يعني انت هتدخل الامتحان تنجح. يقول لك لا انا مش داخل الامتحان تخيل عقلي ده راح فين عزمه اقتل عزمه ضعف ليه ؟ لانه ما حافرتش - 00:05:34

اول خطوة تاخدها في اخر شهر رمضان اول خطوة تاخدها انك انت تكثر من قول لا حول ولا قوة الا بالله لا حول ولا قوة الا بالله كنز من كنوز الجنة. ليه ؟ ليه ؟ لا حول ولا قوة الا بالله كنز من كنوز الجنة. لانك انت بتتبرأ من كل شيء - 00:05:49

وتعلم انك لا شيء الا بالله قمت بالله. صليت ؟ صليت بالله. فتحت المصحف ؟ فتحت المصحف بالله ربنا يوففك للعبادة هو من الله. وما بكم من نعمة فمن الله اي نعمة دينية او دنيوية من الله - 00:06:06

فانت اول شيء تحرض عليه علشان عزتك ما يروحش تكثر من قول لا حول ولا قوة الا بالله تقول كتير لا حول ولا قوة الا بالله وتفكر فعلما انه لا حول حقيقة لا حول ولا قوة الا بالله - 00:06:24

ما فيش عمل انت بتعمله الا بالله. سبحانه وتعالى التوفيق للعمل الصالح من الله انت ما بتعملي حاجة انت ما بتعملي حاجة انما كل اللي انت بتعملي ده هو علشان بس يا دوبك - 00:06:40

يعني يا دوبك كده ايه تتعرض لنفحات الله سبحانه وتعالى فلا بد انك انت تستحضر هذا المعنى. النبي صلى الله عليه وسلم لما كان بيقوم السيدة عائشة رضي الله تعالى عنها وارضاها بتسائل الرسول عليه الصلاة والسلام - 00:06:57

تقول له يعني يا رسول الله. يقول لها النبي عليه الصلاة والسلام افلا اكون عبداً شكوراً؟ انت ربنا غفر لك. يقول له افلا اكون عبداً شكوراً دي من علامات التوفيق للطاعة - 00:07:12

التوفيق للطاعة كما قال بعضهم في قول الله تعالى من جاء بالحسنة فله خير منه. بعض العلماء بيقول فله خير منها يعني الخير يأتي بالخير واحدنا ده مشهور يعني سيدنا مسعود بيقول الخير عادة والشر لجاجة - 00:07:24

الخير عادة والشر ايه ؟ لجاجة. يعني انت لو تلاحظ اول يومين ثلاثة في شهر رمضان تلاقى الواحد ضهره واجعه دماغه مش عارف ايه. ده مش عارف مش عارف يفتح المصحف. بعد كده - 00:07:39

خلاص بيتعود على القيام. أصبح عنده عادة يعني انه يصلى التراويح مش فيها مشكلة هو ده بالضبط الخير عادة الخير اللي انت بتعتاده فانت لابد انك انت تعلم انه لا حول لك - 00:07:49

ولا قوة الا بالله. ما فيش حد بيعدصك الا الله. ما فيش حد بيأخذ بيأيدك الا الله عز وجل. ما فيش حد ممك ينجيك الا الله سبحانه وتعالى الامر الثاني المهم في اخر شهر رمضان تنوع العبادة - 00:08:03

تنوع العبادة لتنوع الوارد. مش تنوع العبادة علشان خاطر الزهق. ده ماشي. يعني ممك واحد ينوع العبادة علشان ما ما يزهقش من لون واحد من الوان العبادة. لكن انا عايزك تتنبه لامر اخر اصلا - 00:08:19

وهو ان من اهم فوائد تنوع العبادة لتنوع الوارد من وراء العبادة ولذلك العلماء يقولوا فيه ملمح جميل جدا في اعتكاف النبي صلى الله عليه وسلم كان النبي عليه الصلاة والسلام اذا اعتكف اخرج رأسه بالسيدة عائشة رضي الله تعالى عنها وارضاها لكي ترجل له رأسه. علشان تسرح له شعره صلوات الله - 00:08:35

السلام عليكم فالرواية يقولوا ليه هل مسلا النبي عليه الصلاة والسلام كان يحتاج حد يسرح له شعره؟ ممك يسرح شعره في الاعتكاف يعني واللي خلى اي حد ولا السيدة عائشة تيجي له تسرح له. لكن النبي عليه الصلاة والسلام السيدة عائشة ما كانش ينفع تخش المسجد. علشان هي كانت حائض - 00:08:59

فكان النبي عليه الصلاة والسلام يجمع بين عبادتين بين الاعتكاف وبين ايضا مراعاة المشاعر في بعض الناس بتكون مشاعرهم متبلدة. يعني قساة القلوب والعياذ بالله هو ما بيستحضرش الا لون واحد من الوان العبادة. العبادة يعني ان انا اصلني يعني ان انا اعيبط يعني ان انا اخلص المصحف. في يوم هو ده تصوره عن العبادة - 00:09:15

بينما العبادة عندنا اوسع من كده بكثير وكرم ربنا سبحانه وتعالى وتفضله علينا اوسع من كده بكثير فانت لازم تنوع العبادة لتنوع الوارد عليك الصلاة والذكر قراءة القرآن الدعاء الصدقة - 00:09:38

التخفيف عن المسلمين كل ديت من انواع العبادات وكل عبادة من هذه العبادات لها فائدة على قلبك الصلاة لها فايدة على قلبك. الذكر له فايدة على قلبك. الدعاء له فايدة على قلبك. بعض الناس سبحان الله في في مسألة الدعاء دي مثلا سنتكلم عنها ان شاء الله تعالى - 00:09:59

ان بعض الناس بيفكر انه لازم يكون محتاج علشان يدعوه وهو فعلا لازم يكون محتاج. بس خلي بالك انت محتاج على طول او على تفكرو ولذلك ربنا سبحانه وتعالى يقول في سورة اقرأ كلاما ان الانسان ليطغى ان رآه ايه؟ استغنى. يعني ساعة ما الواحد - 00:10:19 تحس انه مش عايز مش عايز يعني بيحصل له ايه على طول؟ الطغيان مباشرة. الطغيان قريبا الاستغناء ولذلك ربنا يقول لك يا ايها الناس ما قلش يا ايها الذين امنوا - 00:10:40

في فرق لما تلاقي الخطاب مختلف في فرق يا ايها الناس انت وشف خلي بالك المؤكدات المتتالية في مؤكدات متتالية في السورة يا ايها الناس انت الفقراء الى الله الفقراء الى الله - 00:10:56

وربنا سبحانه وتعالى اكده المعنى تاني. يعني خلاص يا ايها الناس انت فقراء ولا فهمنا ان احنا الفقراء الى الله. لكن ربنا يأكده المعنى تاني علشان يقول لك المعنى ده هو وصف ذاتي لك - 00:11:19

والمعنى الثاني وصف ذاتي له المعنى الاول الفقر وصف ذاتي. انت عمرك ما تنفك عن الله طرفة عين لو مين لو مين ما ينفكش عن الله طرفة عين فرعون وهو بيفرق قال امنت؟ - 00:11:31

لانه خلاص شاف امنت انه لا الله الا الذي امنت به بنو اسرائيل وانا من المسلمين. ما نفعشي. بس هو خلاص شهد هذا الموقف. حتى ده فرعون. اللي كان بيقول اليه لي - 00:11:46

ملك مصر وهذه الانهار تجري من تحتي انا ربكم كانوا يقولوا كده انا ربكم الاعلى. ومع ذلك ربنا سبحانه وتعالى اذاقه الذل في الدنيا قبل الآخرة اذا قوا الذل في الدنيا قبل الآخرة. لذلك انت الله عز وجل يقول يا ايها الناس انت الفقراء الى الله وفي المقابل - 00:11:58

والله هو الغني الحميد بيقول لك اوعى تفكرك الى الله عز وجل ربنا محتاج له ابدا عبادتك ربنا لا يحتاج اليها سبحانه وتعالى. الله هو الغني الحميد - 00:12:17

لذلك ربنا سبحانه وتعالى يقول للناس كده فالذين عند ربكم لا يستكرون عن عبادته ويسبحونه وله يسجدون يعني اوعى تفكرك يعني ان انت لو ما عبدتش ربنا ان خلاص الدنيا هتفق عليك أ - 00:12:32

الدنيا مش واقفة عليك قال الله سبحانه وتعالى عن الملائكة ايضا بل عباد مكرمون لا يسبقونه بالقول وهم بامرها يعملون. يعلم ما بين ايديهم وما ولا يشفعون الا لمن ارضي لهم من خشيتهم مشفقون - 00:12:45

فلذلك انت لازم ت نوع العبادة ديت وتستحضر ان انت اللي مفتقر لوارد العبادة عليك انت اللي مفتقر لفضل الله عليك في الذكر انت اللي مفتقد لفضل الله عز وجل عليك في الدعاء - 00:13:01

الامر الثالث المهم جدا في اخر شهر رمضان كثرة الدعاء يبقى احنا قلنا الاكثر من قبل لا حول ولا قوة الا بالله ت نوع العبادة خلي عبادتك متنوعة. شوية تذكر رب العالمين سبحانه وتعالى. شوية تدعو شوية تقرأ القرآن شوية تصلي - 00:13:14

شوية لو انت عندك شغل واحد عنده شغل مسلا الصبح ما يشتغلش يشتغل عادي مش فيه مشكلة. بس يستحضر النية دي فرصة انك انت تستحضر النية يعني في نية ممكن اخد عليها اجر؟ اه في نية. النبي صلى الله عليه وسلم يقول اللقبة يضعها الرجل في في امرأته له فيها اجر. واحدة مسلا - 00:13:31

تطبخ ما تطبخش في اخر شهر رمضان العيال يموتوا من الجوع. لأ تطبخ عادي مش فاهم مشكلة. هتاخد حسنات اه هتاخد حسنات. لو استحضرت هتاخد حسنات. فيه مفهوم قاصر عن - 00:13:50

يعني ممكن في بعض الاخوات يقول لك لأ خلاص كده في اخر شهر رمضان نطلب من برة تخرب آآ يعني تخرب ميزانية البيت عشان خاطر عشان خاطر هي مش هي عايزه تعبد تعبد ربنا. يا ستي اطبخي ووفرني على الرجال. وان شاء الله لك الاجر يعني. يعني يعني العبادة مش مجرد ان - 00:14:00

يعني لازم الواحد يكون آآ عارف يعني ان العبادة اوسع من من اللي احنا بنظنه المهم الحاصل يعني ان انت ت نوع العبادة. الحاجة الثالثة كثرة الدعاء لازم تستحضر ان الدعاء دهوت سلاحك - 00:14:20

والدعاء من كرم الله عز وجل ان المؤمن اذا دعا الله فانه لا يرده ابدا لا يرده ابدا في فرق بين انه يديك اللي انت عايزه وانه يردهك ممكن ما تاخديش اللي انت عايزه - 00:14:40

يعني ممكن ما تاخديش اللي انت طلبته وما تاخديش بس هو مش هيردك فيه فوائد للدعاء كتير خالص. فوائد الدعاء اكثر من ان تحصى ولذلك احيانا الهزيمة يقولوا العلماء ايه - 00:14:56

منعه هو عين عطائه منع الله وعين عطائه يعني اوعى تفكرك ان من الله عز وجل لك ما تريده ان ده مش عطاء لأ ده عطاء برضك يعني هذا عطاء من الله عز وجل. بس انت مش شاييفه - 00:15:13

نبهتكوا في سورة الكهف في مرة ان من فوائد سورة الكهف ان هي بتوريك حاجات انت ما بتشفوهاش يعني سورة الكه انت انت شفت اخر سورة الكهف صح؟ يعني شفت اخر اللي حصل مع الخضر - 00:15:32

بس سيدنا موسى ما شافوش سيدنا موسى ما كانش شاييفه. ربنا وراه لك وقال لك بقى ده هو تقيسه على كل حاجة يعني شف انت الوقت مبسوط ان الرجال خلع اللوح بناء السفينة. يعني انت الوقت احنا الوقت مبسوطين. ان هو خلع اللوح بناء السفينة وانه موت الغلام وانه عدل - 00:15:48

جدار احنا الوقت مبسوطين احنا مبسوطين ان يوسف اتلقي بابوه في اخر الایه؟ في اخر القصة ورفع ابويها على العرش وخرروا. احنا مبسوطين الوقت بس ربنا سبحانه وتعالى بيقول قيسوا بقى على حياتك انت بقى - 00:16:07

انت بقى اهو شفت اخر المشهد. شايف انت اخر المشهد الحلو اللي انت مبسوط به اهو المشهد دهوت اجوا على حياتك انت بقى. ما تكونش واقع في البالية وتقول طب فين - 00:16:23

هو انت ما لكش دعوة. انت مش رب اووعي تحول نفسك لله ورب ما تحولش نفسك لله ورب زي ما شفت اخر القصة
وابسطت بها برضك خليك موقن بان اقدار الله التي تجري عليك له فيها حكمة - 00:16:35

سيدنا يوسف لخص المشهد. قال ان ربى لطيف لما شاء ان ربى لطيف لما جاء انه هو العليم الحكيم والعليم الحكيم. انا ما كنتش
شاف اخر المشهد كده لكن الله عز وجل سبحانه وتعالى يرى ويعلم ويبصر - 00:16:52

ان ربنا سبحانه وتعالى لما بيتبليك ببلاء لما كذا الامر الرابع خفف الصور خفف الصور. يعني ايه خفف الصور يعني ما ترهقش قلبك
برؤية الصور يعني ايه رؤية الصور؟ ورؤية الصور دي كل حاجة - 00:17:10
كل اللي انت بتشفوه صور تعلقك بهاتف بتابعك بالهاتف بتابعك صور. تعلقك بالتليفون دي من الصور احذر من الصور لأن
الصور دي بتشتت قلبك. ولذلك النبي صلى الله عليه وسلم كان بيتعكتف. يعني ايه الاعتكاف؟ الاعتكاف هو جمعية القلب على الله -
00:17:29

جمعية القلب على الله هو ده معنى الاعتكاف ان قلبك يكون مجتمع على ما يريد الله عز وجل منك سبحانه وتعالى فانت لابد ان
تتحفظ من الصور من اخطر ما يكون ان الواحد يدخل المسجد والتليفون بتاعه معه - 00:17:52

طب انت داخل المسجد صليت ركعتين يقوم جاي مدخل ايده في في جيبه ومطلع التليفون انا معندي التليفون متتطور شوية ما
فيهوش صور فهو يقوم جاي مدخل ايده ومطلع التليفون باصص في عامل له بتابعتين طالع له صورة راحت الركعتين - 00:18:10
يعني الركعتين اللي انت صليتهم ولا الرابع ركعات اللي انت صليتهم ولا انت بتصلی اخر الليل فزهقت بقى قبل في السحور قبل
السحور مسلا ايه قلت اما اما ابص على شوية اخبار ولا حاجة - 00:18:30

راحوا الركعتين اللي انت ولا الليلة اللي انت صليتها دي ما هي راحت يا حبيبي وانت مفكر يعني انت آآ قلبك ايه سوبر مان! يعني
خلاص يعني قلبك مش هيتعرض للصور ديت ولا تشو夫 واحدة مسلا ولا تشو夫 آآ حالة ولا تشو夫 مش عارف ايه - 00:18:40
ولا تفتح كذا ولا تفتح كذا ان قلبك مش هيتشتت ما هو هيتشتت وانت مش داخل عشان كده يعني انت داخل عشان تصلي عشان
 تكون بتصلی لما انت تفتح وتشوف الموضوع انته خلاص - 00:18:55

لسه بقى تبدأ من اول وجديد تيجي تاني نيلة بقى ان شاء الله نتقابل تاني ليلة فلما قلبك تاني يجهز تاني فان تالل قلل التعرض
للصور. وسائل التواصل بكليتها. التواصل اصلا كله - 00:19:13

التواصل كله. وانت يعني الدنيا مش هتنهد النبي عليه الصلاة والسلام كان شغال وزايف النبي عليه الصلاة والسلام بقى النبي
عليه الصلاة والسلام ما كانش حتى يعني النبي عليه الصلاة والسلام يا اخوانا انتم مش مستحضرین انه النبي عليه الصلاة والسلام
مات وهو عنده كم سنة - 00:19:28

ثلاثة وستين سنة يعني ما كانش حتى صغير في السن يعني حتى هو برضه كان راجل كبير يعني بالمفهوم اللي احنا نعرفه المفهوم
اللي احنا نعرفه وكان عنده مسئوليات ضخمة. هو اللي بيصلّي بالناس وهو اللي بيعلمهم هو اللي بيربيهم. وهو اللي وهو عنده عنده
تسع بيوت. مش عنده بيت واحد. عنده تسع - 00:19:46

وعنده كل دهوت والصحابة وعنه الوفود وعنه اللي رايح وعنه اللي جاي النبي شف السيدة عائشة تلمح الملجم دهو قل لنا الملمح
دوت كان يكون في مهنة اهله. سمع الصلاة ايه اللي حصل - 00:20:06

خلاص الموضوع انتهى في اولويات في حياتك مش كل حياتك بيتك مش كل حياتك اصحابك مش كل حياتك
اللي انت تعرفهم. لأن فيه اولويات تانية في حياتك - 00:20:22

في الدار الآخرة الدار الآخرة هي الحيوان لو كانوا يعلمون فانت لازم تكون مستحضر دايما انت في اولوية في حياتك وبعدها
الاولويات بتيجي صح ما فيش مشكلة انك انت تعمل اللي انت بتعمله بس فيه اولوية. ودي فرصة يا سيدتي عشر تيام ما انت طول
طول السنة ما حدش بيقول لك حاجة. طول السنة شغال - 00:20:37

براحتك تيجي في العشر تيام دهوت تجمع قلبك على الله وتقلل الصور اخر حاجة واختتم بها انك انت يكون لك قفزة ايمانية في هذه

العاشر يعني ما تخليش عبادتك في سائر الشهر زي عبادتك في العشرة - 00:20:59

انت مسلا عندك حاجة تعملاها. عندك مسلا تقول عشر تلاف مرة لا حول ولا قوة الا بالله. عشر تلاف مرة تصلي على النبي صلى الله عليه وسلم. عشر تلاف مرة تستغفر. عشر تلاف مرة - 00:21:20

سبحان الله والحمد لله ولا الله الا الله والله اكبر ولا حول ولا قوة الا بالله. الباقيات الصالحات العظيمة ديت عشر تلاف مرة تصلي 00:21:30

تصلي صلاة طويلة مسلا عود نفسك هو التدريب على الطاعة ولا التدريب على العبادة دي بييجي منين - 00:21:46 هو بييجي كده يعني ؟ لأن ما هو العبادة برضك لها تدريب عارف انت الجماعة اللي بيلعبوا مسلا كمال اجسام ولا بيلعبوا آي لعبة

وتلاقيه محترف هو محترف ليه ؟ هو الجماعة المشهورين في الكورة دولي مسلا - 00:21:59 بيروح يلعب على طول ما هو اكيد بيتدرب يعني ويبيطلع روح اهله برضك عشان يصل للي هو فيه. فانت برضك لازم لازم نفس الفكرة دي يعني لازم نفس الفكر دي في العبادة - 00:21:59

شف تدرج الآئمة لحد اما وصل. انت بتتشوف في الآخرة. يا الله ! يعني سفيان السوري قاعد مش عارف ساجد والراجل طاف سبع اشواط وهو ساجد مستحبيل يحصل مستحبيل عشان انت انت ضعيف - 00:22:12

عشان انت ما جربت قبل كده انت ما عرفش الراجل ده عمل ايه عبادي بن بشر لما الراجل رماه بالسهم وشال السهم وكمل صلاة الواحد لو جات له ناموسة على رجله بيقعده يهرش فيها يهرش فيها مش يقدر - 00:22:27 يعني لو جا له لو وجه عليه دبور يبقى صباح الخير الجامع كله هيتفرج عليه لو وجه عليه دبور مسلا ولا جه عليه الراجل جا له سهم قام جه شاله وكمل ولا اكن حاجة حصلت - 00:22:44

ولا اكن حاجة يعني حتى كان بعض العلماء الحديث يقول لك لو القصة ديت مش وردت باسانيد صحيحة ما كانش حد يقدر يصدقها يصدق القصة دي ازاي يعني ؟ تصدق القصة دي ازاي - 00:22:56

ومش واحد مش سهم واحد ده كم مرة ثلاثة شايل السهم ومكمel ولا اكن حاجة حصلت ولا اكن حاجة حصلت. واحد يقول لي يا عم ما هو ده صحابي عباد ابن بشر - 00:23:10

ایوة يا حبيبی الامام البخاری رحمه الله تعالى دخل دبور للامام البخاری رحمه الله دخل دبور في جلابة الامام البخاری وبعدين وهو بيصلي. لما خلص صلاة خالص خلص صلاة خالص - 00:23:23

قال لهم انظروا ايش اذاني. يعني فيه انا حاسس ان فيه حاجة حصلت فبصوا كده ايه اللي حصل ؟ فلقوا الدبور قعد يعني يعني يقرض الامام البخاري رحمه الله هو الراجل بيصلي ولا في باله - 00:23:39

حتى عباد ابن بشر لاحظ هذا المعنى بقى. قال لنا انت عايز تعرف ليه عباد ابن بشر قعد يشيل في السهم ويرميه هو قال كده عبد البادر رضي الله تعالى عنه وارضاه. قال لقد كنت في سورة - 00:23:53

انا كنت بقرأ سورة. وفي رواية ان السورة دي كانت سورة الكهف ووالله لو لا اني اكلأ رسول الله صلى الله عليه وسلم واصحابه ما قطعتها ولو انفلتت نفسي مش كنت هسيب الصورة ديت الا اما اخلصها حتى لو نفسي راحت فيها مش مشكلة - 00:24:08

ده وصل له ازاي مش واصل له بسهولة. لأن وصل له تدريب درب نفسه درب نفسه احنا احنا دلوقتي اهوت الشیخ اسماء الله يرحمه اسماء عبد العظيم بنصلي طول الليل رحمة الله الراجل متوفى من تلات سنين ولا حاجة - 00:24:29

رحمة الله تعالى عليه ورضوان ومع ذلك ليه ؟ لانه درب نفسه. هو ده التدريب انت لازم تدرب نفسك لازم تدرب نفسك على طاعة الله عز وجل. ولازم يكون لك قفزة قفزه صلاة ذكر قراءة قرآن تختتم القرآن في يوم يومين - 00:24:46

البنت عملت حاجة ما بتعملهاش عادة في آشهر ولا حتى في اه سنتك. اسأل الله سبحانه وتعالى ان يوفقنا واياكم لكل خير. وان يأخذ الله عز وجل بنواصينا اليك اخذ الكرام عليه. اللهم خذ بنواصينا اليك اخذ الكرام عليك اللهم

اللهم خذ بنواصينا اليك اخذ الكرام عليك. اللهم خذ بنواصينا اليك اخذ الكرام عليك اللهم اعنا على ذكرك وشكرك وحسن عبادتك. اللهم اعنا على ذكرك وشكرك وحسن عبادتك. اللهم اعنا على ذكرك وشكرك وحسن عبادتك يا

رب العالمين - 00:25:20

وصلى الله على نبينا محمد واله والحمد لله رب - 00:25:40